



Unioni de is Comunas de su Partiolia e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiolia/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Sètimu

Domus de Janas

A canta a sa cresiedda de sartu de Santu Perdu, a tesu prus pagu de unu chilòmetru, sa Domu de Janas est a intru de su padenti de is Landireddus, aundi crescit manna sa tupa mediterrànea (murta, murdegu, modditzi, ollastru, ecc.)



Sa Domu est seguru de su tempus neolìticu (mitadi de su de IV millènnius - 2700 a.C.), tempus de su amanniamentu stravanau de is domus de janas, est a nai grutixeddas artifitzialis, chi bortas meda fiant cuncordadas una a canta de s'atra in aposentamentus mannus, fendi unas necròpolis beras aundi a giru a

giru faiant is arritus de interru po is mortus.

Sa gruta stuvionada in s'arroca, chi si pesat a sola in su coddu, tenit un'imprantu planimètricu simpri meda: est fata de duus aposentus cullegaus intre issus de unu stampu prus piticu ma simbillanti a cussu de s'intrada principali, chi s'artària sua no est de prus de 90 cm.

A custa Domu de Janas, connota mellus de is bividoris de Sètimu cumentu S'acqua de is dolus, est acapiatu unu contu populari.

Narat su contu chi Santu Perdu, innoi, iat agatau aprigu po sa noti e iat arresau meda, tanti chi s'arrastu de is genugus fiat aturau beni marcau in sa perda. Is antigus contant chi dònna annu in sa dii de su 29 de làmpadas, partendi de Sa Cruxi Santa (a s'acabu de via Garibaldi), in medas andaiant passu passu in su caminu de sartu (chi ddi nant Santu Perdu) arribendi a sa Domu pighendi un'incurzadroxu chi dda liat a sa cresiedda, cumentu chi fessat una meta de pellegrinàgiu. A merii su predi faiat sa missa e donat sa beneditzioni. Intzandus, s'acqua de sa mitza minerali, chi ddoi est a intru de sa domu, si podiat bufai e fiat crètia miraculosa.

Fonte immagine: www.paradisola.it